

SOCIAL MEDIA



Home > Local > Philomena Wong, un baluarte di nos literatura, pa semper den nos curason

Local

Philomena Wong, un baluarte di nos literatura, pa semper den nos curason

by EA News Author March 10, 2023 0 1761

SHARE

0



Awe nos mester tuma despedida di Philo, cu pena na nos curason.

Un amiga stima, un gran persona, amabel, humoristico y balente cu no tabata acepta inhusticia. Cu su bos y pen skerpi e tabata expresa esey. Ken no ta corda e poema “Placa, placa, placa” cu a capta masha atencion y a causa hopi emocion den pueblo un 20 aña pasa?

Philo tabata masha productivo como poeta: el a publica den e revista “Watapana” y den e antologianan *Di Nos* (1971) y *Cosecha Arubiano* (1983). El a publica na aña 1984 e coleccion di poesia *‘Mi’ ta biba den mi pensamento*, na aña 1986 *Na caminda pa independencia* y na 1992 *Di ta ... pa tabata*.

Den su poemanan Philomena ta toca diferente tema importante di bida. Philo tabata militante, e no por a soporta inhusticia y den su poemanan e ta ataca esaki fuertemente: inhusticia contra e mucha (*‘Maltrato’*), contra e hende muhe (*‘Tin orguyo’*), contra nos grandinan (*‘Anciano’*). Philo mes a experencia esaki personalmente durante e ultimo añanan y dianan di su bida: ni oido, ni compresion, ni cariño, ni cuido adecuado no tabatin p’e di parti di esnan responsabel durante e momentonan cu mas el a anhelda esey.

Philomena su poemanan ta den un Papiamento rico, profundo y melodioso. Cu su bon dominio di Papiamento Philomena Wong a aporta grandemente na reconocemento di nos idioma Papiamento.

Den e ultimo añanan aki e tabata traha riba un siguiente publicacion cu tur e poemanan cu e tabatin ainda den tapara. Lamentablemente e no a caba cu e trabou aki, pero un grupo di amiga fiel lo cumpli cu e promesa haci y lo percura pa e coleccion aki keda publica.



decada 80 e gruponan di hende

SOCIAL MEDIA



muhe di e tempo ey a organisa pa prome biaha na Aruba un
na di John F. Kennedy School cu tabata existi ainda. Sala a yena
edad. Tabatin presentacion di teatro foro, musica y canto, baile,
bra di man, un bon cushina.

Philomena cu a impacta cu su poesia cu mensahe fuerte pa esnan
presente. Philomena a fayece dia 7 di maart, un dia prome cu Dia Internacional di Hende Muhe.
Pero su bos ta keda resona den su poemanan.

Cu e poema "Tin orguyo", cu ta den e coleccion *Di ta ... pa tabata*, Philo ta encurasha e hende muhe
pa ta orguyoso di su mes y pa ta determina den bida pa logra loke e ta desea.

Philomena, nos ta hopi orguyoso di a conoce bo y ta gradici bo pa loke bo a laga atras pa bo
pueblo, pa loke bo a nifica pa cada un di nos. Sosega na paz!

Tin orguyo	Marcha cu frankesay anima
Lanta muhe,	esnan cu ainda ta na rudia,
lanta!	pa nan lanta riba pia
Lanta fo'i rudia!	cana y marcha
Lanta riba pia,	determina,
pa bo por para cara cara	cu e solo meta
cu tur cu ta rondona!	di wordo acepta
Pa por kibr'e bara	como ser igual
cu tin bo separa	di tur cu ta rondona:
di esnan cu ta para!	muhe emancipa!
Cana muhe,	Biba muhe,
cana!	biba!
Cana bo caminda!	Biba cu fervor!
Cana determina,	Biba cu balor
pa bo por aleha	y planta respet
di tur cu tin bo mara!	pa loke bo ta,
Cana banda banda	pa loke bo por,
di tur cu kier cana	pa loke bo kier,
pa bo por alcansa	p'asina tur esnan
loke bo ta anhela!	cu ta ront di bo
Marcha muhe,	comprende
marcha!	cu bo ta orguyoso
Marcha cu firmesa!	di ta muhe!